



VIII Premio a artigos  
xornalísticos  
normalizadores  
Concello de Carballo

2012

Premio  
a artigos  
xornalísticos  
normalizadores

ORGANIZA



COLABORAN



[www.carballo.org](http://www.carballo.org)

# VIII Premio a artigos xornalísticos normalizadores Concello de Carballo

2012

## Bases

+info Servizo de Normalización Lingüística  
Concello de Carballo  
Tfno.: 981 704 304  
normalizador@carballo.org  
www.carballo.org

### 1. Obxectivos

O Concello de Carballo, desde o seu Servizo de Normalización Lingüística e en colaboración con varios medios de comunicación escritos, convoca o **VIII Premio a artigos xornalísticos normalizadores Concello de Carballo 2012** cos seguintes obxectivos:

- Incentivar a reflexión sobre a situación social da lingua galega.
- Crear espazos nos xornais para analizar e promocionar o uso do idioma galego.
- Promover o uso do galego na prensa escrita.

### 2. Participantes

Poderán participar neste concurso de xeito individual todas aquelas persoas que o desexen, sen límites de idade, nacionalidade, profesión, etc.

### 3. Características dos artigos

Os artigos serán inéditos, deberán estar escritos en galego e deberán contar cos trazos máis significativos do estilo xornalístico: carácter divulgativo e/ou de opinión, estilo breve e directo, linguaxe xornalística, capacidade de incidencia, etc.

Neles deberase tratar algún tema concreto relacionado coa situación sociolingüística do noso país, co fomento da lingua galega, co seu estatus, co argumentario a prol do uso do galego, coa lexislación e os dereitos lingüísticos, con experiencias sociolingüísticas concretas, con propostas para o impulso do uso e prestixio social do galego, con experiencias útiles ou favorábeis para a dinamización da lingua, coa política lingüística, etc.

Os artigos presentados deberán ter entre **2.000 e 3.500 caracteres** con espazos incluídos (entre 350 e 600 palabras, aproximadamente).

### 4. Forma de presentación

Os artigos presentaranse nun sobre grande pechado, deberán estar asinados cun pseudónimo e neles non poderá figurar o nome nin ningunha outra referencia á autora ou autor.

Dentro do sobre grande incluírase tamén un sobre pequeno pechado que levará escrito por fóra o título do artigo e o pseudónimo da súa autora ou autor. No seu interior figurará o nome e apelidos do/a autor/a, o enderezo completo, o número de teléfono, o enderezo electrónico, os datos profesionais ou un breve currículo e o título do artigo e o pseudónimo utilizado.

Os artigos deberán presentarse por **cuadruplicado** no Rexistro do Pazo da Cultura do Concello de Carballo ou por correo certificado en sobre pechado no que se deberá incluír toda a documentación requirida. No remite debe sinalarse o pseudónimo empregado e na parte dianteira do sobre:

VIII Premio a artigos xornalísticos normalizadores  
Concello de Carballo 2012  
Rexistro Pazo da Cultura,  
1.º andar Rúa do Pan s/n 15100 Carballo

Horario do rexistro: de 10.00 h a 13.30 h.

### 5. Prazo de presentación

O último día para entregar os artigos será o **9 de abril** de 2012, tanto no rexistro como en calquera oficina de correos.

### 6. Premio

Outorgarase un premio de 1.000 euros e a publicación do artigo en todos os medios colaboradores.

### 7. Xurado

O xurado estará composto por tres persoas de recoñecida capacidade no ámbito ao que se refire a convocatoria e por un secretario ou secretaria, con voz e sen voto, en representación do Concello de Carballo.

### 8. Selección, avaliación e entrega do premio

Para a selección do traballo premiado, o xurado terá en conta:

- A capacidade de incidencia no público.
- A orixinalidade e atracción dos contidos e argumentos, así como do seu tratamento.
- O encadramento nun tema, ámbito ou sector concreto.
- A linguaxe xornalística e o estilo breve e directo.
- A clareza expositiva e a calidade lingüística.

Ao xurado correspóndelle avaliar e deliberar sobre os traballos presentados e poderá declarar deserto o premio, así como conceder algún accésit –sen dotación económica–, que só se fará público co permiso previo da autora ou autor.

A decisión do xurado farase pública no prazo máximo de 25 días despois do remate do prazo de entrega de artigos.

A entrega do premio terá lugar nun acto público nunha data que se anunciará coa suficiente antelación.

O artigo gañador publicárase a partir desa data nos distintos medios colaboradores.

### 9. Base final

O artigo premiado quedará en propiedade do Concello de Carballo, quen terá todos os dereitos sobre el.

Para a súa publicación, o artigo poderá ser revisado lingüisticamente.

A participación supón a total e plena aceptación destas bases, sobre as que diante de calquera dúbida prevalecerá unicamente a opinión do xurado.

### Medios que colaboran con este Premio e que publicarán o artigo gañador

- **A Nosa Costa** | [www.anosacosta.es](http://www.anosacosta.es)
- **De luns a venres** | [www.galiciae.com](http://www.galiciae.com)
- **Diario de Bergantiños**
- **El Periódico de Carballo y comarca**
- **Galicia Confidencial** | [www.galiciainconfidencial.com](http://www.galiciainconfidencial.com)
- **La Opinión de A Coruña** | [www.laopinioncoruna.com](http://www.laopinioncoruna.com)
- **La Voz de Galicia** | [www.lavozdegalicia.es/carballo](http://www.lavozdegalicia.es/carballo)
- **Praza Pública** | [www.prazapublica.com](http://www.prazapublica.com)
- **Que pasa na Costa** | [www.quepasanacosta.com](http://www.quepasanacosta.com)
- **Sermos Galiza** | [www.sermosgaliza.com](http://www.sermosgaliza.com)
- **Tempos Novos** | [www.temposdixital.com](http://www.temposdixital.com)

ORGANIZA



COLABORAN

